

BERITA PETALING JAYA

Misi Perkhidmatan Pelanggan
Mesra, Cepat & Tepat

KUALITI KEUTAMAAN KAMI

 www.mbpj.gov.my

 Majlis Bandaraya Petaling Jaya



pjcitycouncil

 pjkita

 smartpj

BIL. 4/2021

• ☎ : 03-7956 3544 samb. 203 / 205 / 206

■ : 03-7958 2695

✉ : media@mbpj.gov.my

PERCUMA



JALINAN KASIH RAMADHAN 1442H

Berita Penuh MS 4



RASUAH ITU SATU JENAYAH

Statistik tangkapan SPRM dari tahun 2015 hingga 2020 menunjukkan sejumlah 5,652 tangkapan telah dibuat dan daripada jumlah tersebut, sebanyak 2,683 atau 47.5 peratus adalah terdiri daripada penjawat awam.

Berita Penuh MS 2



BAZAR RAMADHAN PETALING JAYA 2021 : 'ECO' DAN 'CASHLESS'

Sempena penganjuran Bazar Ramadhan Petaling Jaya tahun 2021, Majlis Bandaraya Petaling Jaya telah menyediakan sebanyak 21 lokasi Bazar Ramadhan di bawah seliaan Majlis dan 4 lokasi di bawah seliaan pihak swasta dengan jumlah tapak niaga sebanyak 900 petak.

Berita Penuh MS 5

Sidang Redaksi

www.mbpj.gov.my [Majlis Bandaraya Petaling Jaya](#) [pjcitycouncil](#) [pjkitia](#) [smartpj](#)

PENAUNG

Dato' Mohd Sayuthi bin Bakar

PENASIHAT

Haniza binti Abdul Hamid

KETUA PENGARANG
Abdul Hakim bin Khairuddin

WARTAWAN

Ahmad Iskandar bin Muhamad Mukhtar
Nur Shalizawati binti Hj Baharudin
Muhammed Azmi bin Yusoff
Hasbullah bin Juyahir

PEMBANTU PENERBITAN
Nur Mazliyana Edurar binti Mazelan
Mohammad Shah bin Badlishah

JURU GAMBAR

Rusdi bin Mohammed Halik
Intan Khairana binti Md. Zali
Salimey bin Abu Bakar

PEREKA GRAFIK

Badrul Hisham bin A Bakar
Ihfaznur Ashikin binti Mohammed Arifin
Amiera Firzana binti Mohamad Rosnani

MAKLUM BALAS DAN CADANGAN
HANTARKAN KEPADA

Unit Komunikasi Korporat, Majlis Bandaraya Petaling Jaya
: 03-7956 3544 samb. 203 / 205 / 206 : 03-7958 2695 : media@mbpj.gov.my



PENGURUSAN TERTINGGI MAJLIS BANDARAYA PETALING JAYA

Dato' Mohd Sayuthi bin Bakar
Datuk Bandar
Tel : 03-7956 3544 samb. 325

TPr. Hjh. Sharipah Marhaini binti Syed Ali
Timbalan Setiausaha / Pengarah,
Jabatan Perancangan
Pembangunan
Tel : 03-7955 2562

Mohd Rosnani bin Hj. Hamid
Pengarah,
Jabatan Khidmat Pengurusan
Tel : 03-7955 0819

Hjh. Nik Nazli binti Nik Abdullah
Pengarah,
Jabatan Perbendaharaan
Tel : 03-7955 2354

Ir. Ismail bin Shafie
Pengarah,
Jabatan Kejuruteraan
Tel : 03-7958 7993

Datin Sr. Amreeta Kaur a/p Pretham Singh
Pengarah,
Jabatan Penilaian Dan
Pengurusan Harta
Tel : 03-7955 2428

Aznan bin Hj. Hassan
Pengarah,
Jabatan Pembangunan
Kemasyarakatan
Tel : 03-7960 3293

Hamidah binti Hj. Ariffin
Pengarah,
Jabatan Kawalan Bangunan
Tel : 03-7956 3544 samb. 252

LAr. Dr. Badrulzaman bin Jaafar
Penolong Pengarah Kanan
Jabatan Landskap
Tel : 03-7804 8907 samb. 104

Mohd Fauzi bin Maarop
Pengarah,
Jabatan Pengukuhan
Tel : 03-7958 8081

Hjh. Sharinaz binti Hj. Samsudin
Pengarah,
Jabatan Pelesenan
Tel : 03-7960 4513

Mahzura binti Mohd Amin
Penolong Pengarah Kanan,
Jabatan Perkhidmatan Kesihatan
Dan Persekitaran
Tel : 03-7957 5240

Lee Lih Shyan
Pengarah,
Jabatan Pengurusan Sisa Pepejal
Dan Pembersihan Awam
Tel : 03-7954 1534

Samsul Bahari bin Nonchi
Pengarah,
Unit Teknologi Maklumat
Tel : 03-7955 2553

Haniza binti Abdul Hamid
Pengarah,
Unit Komunikasi Korporat
Tel : 03-7958 1764

Hjh. Norlida binti Mohd Isa
Pengarah,
Unit Audit Dalam
Tel : 03-7954 0130

Norzita binti Mokhtar
Pengarah,
Unit Perundungan
Tel : 03-7957 8042

Tee Szu Fong
Pengarah,
Unit Pusat Setempat (OSC)
Tel : 03-7954 1725

Sr. Jayanthi a/p Kupusamy
Pengarah,
Unit Pesuruhjaya Bangunan
(COB)
Tel : 03-7960 2055

Pejabat Cawangan Petaling Jaya Utara
No. 19-1 Jalan Pekaka 8/1D, PJU 5,
Prestij Kota Damansara,
47310 Petaling Jaya, Selangor.
Tel : 03-6143 7564 / 03-6143 7452 /
03-6143 6475 / 03-6143 4195 /
03-6143 5942

RASUAH ITU SATU JENAYAH

Mutakhir ini negara dikejutkan dengan isu mengenai kartel rasuah yang dipercayai telah memonopoli ratusan tender kementerian dan agensi kerajaan sejak tujuh tahun lalu dengan nilai projek dianggarkan mencecah RM 3.8 billion.

Statistik tangkapan SPRM dari tahun 2015 hingga 2020 menunjukkan sejumlah 5,652 tangkapan telah dibuat dan daripada jumlah tersebut, sebanyak 2,683 atau 47.5 peratus adalah terdiri daripada penjawat awam.

Berdasarkan situasi ini juga, kedudukan Malaysia dalam Indeks Persepsi Rasuah (CPI) dunia bagi tahun 2020 jatuh ke kedudukan 57 daripada 180 negara berbanding tangga 51 pada 2019.

Antara faktor berlakunya rasuah dan ketirisan ialah keterlibatan individu-individu yang berkuasa yang tidak berintegriti, tidak bertanggungjawab dan tidak beramanah dalam memutuskan sesuatu perkara seperti perolehan kerajaan selain menjadi pembocor maklumat kepada pihak ketiga.

Oleh yang demikian, adalah penting bagi semua penjawat awam untuk mengamalkan sikap integriti, jujur dan telus dalam melaksanakan apa jua tugas yang diamanahkan mahupun menjalani kehidupan sehari-hari. Kegagalan untuk mengawal diri dalam menerima rasuah bukan sahaja memberi kesan kepada diri sendiri malah turut memberi kesan kepada ahli keluarga dan mereka yang berada di sekeliling kita.

Majlis Bandaraya Petaling Jaya tidak akan berkompromi dengan mana-mana kakitangan yang terlibat dengan pelakuan rasuah, pelanggaran peraturan atau undang-undang walaupun jumlah mereka yang terbabit dalam kegiatan tersebut adalah kecil. Malah, Majlis akan memberi kerjasama dan komitmen yang penuh kepada badan berautoriti seperti SPRM dan PDRM jika mana-mana kakitangan Majlis disabitkan dengan gejala rasuah mahupun jenayah. Tindakan tegas akan diambil termasuklah penamatkan perkhidmatan terhadap mereka yang didapati terbabit dan didapati bersalah dalam jenayah, gejala rasuah, serta salah laku yang serius dan kes berulang.

Majlis turut akan melaksanakan penapisan ketat terhadap calon-calon penjawat awam yang baharu dan selepas pelantikan, mereka diwajibkan menghadiri pelbagai kursus yang menekankan pelbagai aspek dan perkara berkaitan kerja serta jati diri termasuk hal rasuah dan salah guna kuasa kerana seseorang penjawat awam yang telah diamanahkan kuasa dan tanggungjawab, perlu bertindak secara telus dengan mematuhi proses atau prosedur undang-undang ditetapkan.



PENGURUSAN PROJEK MAMPAN MALAYSIA 2020 : MBPJ TERIMA 3 ANUGERAH KHAS



Majlis Bandaraya Petaling Jaya telah menerima 3 anugerah bersempena Malaysian GPM Sustainability Recognition Awards 2020 di bawah kategori Anugerah Project of The Year (Special Recognition) Projek Kebun Kita @ Jabatan Landskap MBPJ, Anugerah Project of The Year (Special Recognition) Projek Kebun Kita @ Dataran Anak Muda PJ, dan Anugerah Project of The Year (Special Recognition)

Projek Segar Tani @ Damai Setia di majlis Anugerah Pengurusan Projek Mampan Malaysia 2020 yang telah diadakan pada 30 Mac 2021 yang lalu.

Malaysian GPM Sustainability Recognition Awards 2020 merupakan penganugerahan “Pengurusan Projek Hijau Malaysia (Malaysia Green Project Management Award) 2020” di mana penyertaannya telah dibuka pada 1 September 2020 sehingga 31 Oktober 2020.

Semua jenis projek layak untuk dipertandingkan bagi penganugerahan ini dan sekiranya projek tersebut mencapai objektif mana-mana 17 Matlamat Pembangunan Mampan – Pertubuhan Bangsa-Bangsa Bersatu (United Nation – Sustainability Development Goals). Jenis projek juga perlulah mempunyai elemen-elemen penilaian kepada 5 perkara iaitu produk, proses, sosial, persekitaran dan kemakmuran ekonomi (P5 Framework untuk kemampuan projek).

Pada tahun 2020, Majlis di bawah Jabatan Landskap telah mencadangkan 3 projek iaitu Kebun Kita@Jabatan Landskap (kebun bandar di perkarangan pejabat yang dibangunkan oleh kakitangan Jabatan Landskap sebagai showroom pertanian bandar), Kebun Kita@Dataran Anak Muda (kebun bandar yang diusahakan bersama komuniti PJS1South Avenue) dan Segar Tani@Damai Setia (kebun bandar berkonsep “farm to table” yang diusahakan oleh komuniti Damai Setia).

Pada 8 Disember 2020, pihak penjurian Malaysian GPM Sustainability Recognition Awards telah mengumumkan Majlis Bandaraya Petaling Jaya sebagai penerima anugerah Project of the Year 2020 bagi ketiga-tiga projek yang dipertandingkan. Anugerah ini merupakan julung kalinya dianugerahkan kepada pencalonan projek-projek oleh Pihak Berkuasa Tempatan (PBT).

INTERNATIONAL INNOVATION ARSVOT MALAYSIA (IAM 2021)

Majlis Bandaraya Petaling Jaya terus menempa kejayaan apabila merangkul anugerah di International Innovation Arsvot Malaysia (IAM 2021). Anugerah-anugerah yang diterima oleh Majlis adalah Gold Award, Best Award dan Best Presenter.

Pada tahun 2020, Majlis di bawah Jabatan Landskap telah mencadangkan 3 projek iaitu Kebun Kita@Jabatan Landskap (kebun bandar di perkarangan pejabat yang dibangunkan oleh kakitangan Jabatan Landskap sebagai showroom pertanian bandar), Kebun Kita@Dataran Anak Muda (kebun bandar yang diusahakan bersama komuniti PJS1South Avenue) dan Segar Tani@Damai Setia (kebun bandar berkonsep “farm to table” yang diusahakan oleh komuniti Damai Setia).



IAM 2021 merupakan pameran yang bertujuan untuk memperkenalkan daya kreatif dan inovasi dalam bentuk pengajaran dan pembelajaran selain menjadi wadah berkongsi kepakaran kreatif. IAM 2021 pada edisi ini telah dianjurkan secara dalam talian melalui aplikasi zoom dan disertai seramai 359 peserta dari dalam dan luar negara seperti Indonesia, Thailand, Brunei dan Nigeria.

Majlis yang berada di kategori Accredited Center For Instructor, yang diwakili oleh kumpulan PJ Infinite telah membentangkan projek rekaannya iaitu alat ringan mengangkat tong sampah atau dikenali sebagai Armtos. Turut berada di senarai akhir bagi kategori ini adalah Jabatan Pembangunan Kemahiran dan Centre for Instructor And Advanced Skill Training (CIAST).

Semoga anugerah yang dirangkul ini menjadi titik permulaan yang baik dan sumber aspirasi Majlis ke arah penyertaan pertandingan inovasi pada masa akan datang.

JALINAN KASIH RAMADHAN 1442H

Majlis Bandaraya Petaling Jaya telah menganjurkan Program Jalinan Kasih Sempena Bulan Ramadhan buat kali kedua selepas ianya dianjurkan buat pertama kali pada Mei 2019. Pengajuran program amal ini bertujuan untuk membantu golongan asnaf atau yang kurang berkemampuan menyambut bulan Ramadhan terutamanya ketika mengharungi pandemik COVID-19.

Program ini juga merupakan sebahagian tanggungjawab sosial korporat MBPJ dalam menyalurkan bantuan kepada golongan yang memerlukan di samping mengeratkan hubungan baik antara Majlis dan juga penduduk di sekitar Petaling Jaya.

Menerusi program jalinan kasih itu, Majlis telah menyantuni dan memberikan sumbangan kepada tiga keluarga asnaf terpilih di PPR Kota Damansara. Sumbangan yang diberikan adalah berbentuk wang tunai, barang keperluan harian, makanan kesihatan, barang penjagaan diri, peralatan pesakit dan hamper biskut raya.

Setiap penerima terpilih ini merupakan golongan B40 yang mempunyai pendapatan kurang RM 2000.00 ke bawah dan juga pemegang status ibu tunggal, warga emas, keluarga yang mempunyai anak ramai serta mempunyai ahli keluarga / anak kelainan upaya (OKU) terlantar. Golongan penerima ini juga merupakan golongan yang berdaftar dalam Program Pembangunan Komuniti Bandar MBPJ (PPKB).

Berdasarkan dapatan data Majlis, bilangan keluarga miskin yang layak berdaftar dengan PPKB adalah sebanyak 743 golongan miskin dan Majlis telah menerima sejumlah 1,376 permohonan yang telah direkodkan.

Untuk makluman semua, pada 12 April 2021 yang lalu, Majlis juga telah menyampaikan sumbangan berbentuk wang tunai kepada 60 orang yang terdiri daripada warga emas dan OKU di sekitar Petaling Jaya. Golongan penerima tersebut merupakan penduduk terpilih di sekitar PPR Kota Damansara, PPR Lembah Subang, Desa Mentari, Taman Medan, Taman Dato' Harun, Damansara Damai dan lain-lain kawasan di Petaling Jaya.



JOM BACA BERSAMA 10 MINIT : BACA ITU TERAPI

Pada 22 April 2021 yang lalu, telah diadakan program Jom Baca Bersama 10 Minit "Baca Itu Terapi". Ironinya, program ini merupakan program kali ke-8 yang diadakan serentak di seluruh Malaysia.

Majlis tidak terkecuali menyertai program yang telah bermula sejak tahun 2014 lagi. Program ini juga merupakan langkah membentuk masyarakat ke arah minat membaca walaupun dalam tempoh yang singkat (10 minit) selain bertujuan memastikan tabiat atau budaya membaca dalam kalangan masyarakat setanding dengan negara maju di dunia.



Program ini juga bermatlamat untuk membudayakan inisiatif membaca dengan menjadikan perpustakaan sebagai sebuah organisasi yang relevan dalam pendidikan selepas waktu persekolahan (school after school) dalam melahirkan generasi muda yang mencintai ilmu, berakhhlak mulia, mentaati agama, berbudi bahasa dan berkemahiran yang tinggi. Sasaran penyertaan meliputi pelbagai lapisan masyarakat yang terdiri:

1. Kanak-kanak prasekolah atau seawal boleh bertutur (2 tahun)
2. Pelajar sekolah-sekolah seluruh Selangor
3. IPTA dan IPTS seluruh Selangor
4. Kakitangan awam dan semua agensi kerajaan negeri dan persekutuan
5. Badan-badan korporat dan GLC seluruh Selangor
6. Kakitangan swasta/syarikat seluruh Selangor
7. Persatuan dan NGO seluruh Selangor
8. Pengguna-pengguna Perpustakaan Awam / Akademik / Khusus seluruh Malaysia
9. Individu atau orang perseorangan yang terlibat

Diharapkan budaya membaca di kalangan rakyat Malaysia akan terus subur seiring ke arah ke negara maju yang turut memerlukan pemikiran rakyat yang berilmu dan berpengetahuan tinggi selain menjadikan budaya membaca sepanjang masa tanpa mengira berada di dalam kempen ataupun tidak.

SITUASI KES DEMAM DENGGI DI PETALING JAYA

Jumlah kes demam denggi yang dilaporkan pada Minggu Epid (ME) ke 16 sehingga 24 April 2021 adalah sejumlah 354 kes yang dilaporkan. Laporan kes demam denggi ini menunjukkan penurunan sebanyak 81 peratus berbanding tahun 2020 dengan sebanyak 1,885 kes.

Walau bagaimanapun, jumlah ini merupakan jumlah yang terendah berbanding 2 PBT yang lain di daerah Petaling. MBPJ merekodkan sejumlah 354 kes, MBSA 574 kes dan MBSJ 626 kes.

Tiga wabak terkawal dilaporkan manakala tiada lokaliti wabak tidak terkawal hotspot terkini yang aktif dilaporkan sehingga ME 16 (12/12/2020) di kawasan MBPJ. Tiada kes kematian yang dilaporkan.

BIL.	LOKALITI WABAK TERKAWAL	BIL. KES	TARIKH MULA WABAK	TARIKH TAMAT WABAK
1	SEKSYEN 6 PJU 5 KOTA DAMANSARA (TERES)	2	18/04/2021	02/05/2021
2	SEKSYEN 17 (TERES 1) [JALAN 17/2, 17/4, 17/6, 17/11, 17/19]	2	15/4/2021	29/04/2021
3	MENTARI COURT PJS 8	2	19/04/2021	03/04/2021

BAZAR RAMADHAN PETALING JAYA 2021 : ‘ECO’ DAN ‘CASHLESS’

Empena penganjuran Bazar Ramadhan Petaling Jaya tahun 2021, Majlis Bandaraya Petaling Jaya telah menyediakan sebanyak 21 lokasi Bazar Ramadhan di bawah seliaan Majlis dan 4 lokasi di bawah seliaan pihak swasta dengan jumlah tapak niaga sebanyak 900 petak.

Jumlah ini telah mengambil kira keperluan penjarakan fizikal bagi mengelakkan kesesakan orang ramai selaras dengan arahan pematuhan SOP yang telah ditetapkan oleh Majlis Keselamatan Negara (MKN).

Pemilihan tema ‘Eco’ dan ‘Cashless’ pada tahun ini adalah bagi meneruskan agenda Kerajaan Negeri untuk meneruskan Kempen Bebas Beg Plastik dan Polistirena bermula sejak 1 Januari 2017 dan Agenda Digitalisasi Selangor Pemangkin Negeri Pintar Ulung melalui Ucapan Belanjawan Negeri Selangor 2021 yang lalu.

Menerusi program Eco Bazar Ramadhan 2021, Majlis akan terus berusaha memberi insipirasi dan motivasi kepada penduduk untuk mengamalkan cara hidup lestari dengan menukar corak pembungkusan makanan seperti membawa bekas makanan, minuman atau beg kitar semula sebagai pilihan pembungkusan semasa membeli juadah di Bazar Ramadhan.

Sehubungan itu, Majlis meneruskan kempen kesedaran bebas beg plastik dengan program insentif tunai bagi pengunjung yang membawa sendiri bekas makanan, minuman, bakul atau beg kitar semula semasa membeli juadah di Bazar Ramadhan. Pengunjung terpilih akan diberi insentif berbentuk kupon bernilai RM10.00 yang boleh digunakan pada hari yang sama.

Program ini memberi kelebihan kepada 2,000 pengunjung yang hadir dengan membawa bekas makanan dan minuman sendiri di Bazar Ramadhan MBPJ yang melibatkan 20 lokasi. Program ini bukan sahaja bertujuan untuk meningkatkan kesedaran awam berkenaan kempen bebas beg plastik, tetapi mewujudkan ‘strong educational character’ untuk meningkatkan kesedaran dan inisiatif dalam menjaga alam sekitar.

Selain meneruskan kempen bebas beg plastik, Majlis juga terus menyokong agenda digitalisasi Kerajaan Negeri dengan meneruskan konsep perniagaan transaksi tanpa tunai (cashless) di Bazar

Ramadhan ini dengan kerjasama rakan strategik Majlis bersama Maybank, Grab Food, Touch & Go eWallet, Boost dan Dego. Sehingga kini, sebanyak 191 peniaga Bazar Ramadhan telah berdaftar dengan syarikat penghantaran makanan dan syarikat eWallet.

Seperti yang sedia maklum, pandemik COVID-19 merupakan satu detik sukar dan mencabar kepada negara yang pastinya telah merubah landskap sosioekonomi negara. Justeru, dengan menjalankan perniagaan transaksi tanpa tunai secara tidak langsung dapat mengurangkan risiko sentuhan dalam kalangan peniaga dan pengunjung.





PERASMIAN PUSAT LIMPAHAN RAHMAH

TAMAN DATO' HARUN, 16 MAC 2021 - Pusat Limpahan Rahmah, Masjid Jumhuriah Taman Dato' Harun telah dirasmikan oleh Ahli Majlis Zon 18, En. Ahmad Akhir Pawan Chik. Pusat ini dibangunkan sebagai platform rujukan kepada penduduk bagi mendapatkan sumbangan atau bantuan daripada pihak masjid.



BANTUAN MANGSA RIBUT

PJU 1A, 20 MAC 2021 - Ahli Majlis Zon 4, En. Anwar Nekhan telah menyampaikan sumbangan kepada penduduk PPR Lembah Subang 2 dan Pangsgapuri Vista Subang yang dilanda ribut menyebabkan kediaman mereka rosak. Sebanyak 6 unit kediaman terlibat iaitu 5 unit di Lembah Subang 2 dan satu unit di Pangsgapuri Vista Subang.



TUAI HASIL KEBUN KOMUNITI

SEKSYEN 3, 3 APRIL 2021 - Kebun Komuniti Seksyen 3 yang diusahakan penduduk telah mengeluarkan hasil. Ahli Majlis Zon 15, Pn. Ermeemarianna Saadon dan penduduk telah bersama-sama menuai hasilnya untuk diagihkan kepada penduduk setempat. Pada majlis tersebut beliau turut menyampaikan sumbangan bakul makanan kepada 40 orang penerima.



SUMBANGAN MAKANAN ASAS SEMPENA VASAKHI

PJS 3, 8 APRIL 2021 - Ahli Majlis Zon 17, Pn. Norah Mansor telah menyampaikan sumbangan makanan asas kepada golongan yang memerlukan sempena sambutan perayaan Vasakhi 2021 dalam majlis yang berlangsung di Gurdwara Sahib, Petaling Tin, Jalan PJS 3/55, Petaling Jaya.



MAJLIS WATIKAH PELANTIKAN MPP SESI 2021 / 2022

KELANA JAYA, 8 APRIL 2021 - Majlis meraikan ahli MPP MBPJ Zon 21 sesi 2021/2022 telah berlangsung di Hotel Tabung Haji. Majlis diserikan lagi dengan kehadiran Ahli Dewan Negeri Seri Setia, YB Tn. Halimey Abu Bakar



PENDAFTARAN VAKSIN COVID-19 PARLIMEN PETALING JAYA

TAMAN MAJU JAYA, 10 APRIL 2021 - Ahli Majlis Zon 17, Pn. Norah Mansor dan Ahli Majlis Zon 18, En. Ahmad Akhir Pawan Chik telah bekerjasama menganjurkan kampen pendaftaran vaksin Covid-19 yang telah berlangsung di sebuah pasaraya di Jalan PJS 2/3, Taman Maju Jaya. Turut berlangsung penerangan berkaitan kebaikan vaksinasi untuk mewujudkan imuniti kelompok oleh Dr. Wong Mei Yie dari Klinik Kesihatan Taman Medan.



PERASMIAN PROJEK KECERIAAN PPR LEMBAH SUBANG 2

PJU 1A, 10 APRIL 2021 - Ahli Majlis Zon 4, En. Anwar Nekhan telah merasmikan Projek Keceriaan Lobi Blok C, PPR Lembah Subang 2. Turut berlangsung penyerahan komputer dan alat tulis kepada wakil setiap blok, penyerahan tong kompos dan taklimat cara menghasilkan baja kompos oleh Persatuan Sosio Ekonomi & Alam Sekitar (PERSEAS).



PELANCARAN BUKU GARIS PANDUAN COVID-19

TAMAN MAJU JAYA, 10 APRIL 2021 - Pejabat Ahli Parlimen Petaling Jaya dengan kerjasama Ahli Majlis Zon 18, En. Ahmad Akhir Pawan Chik telah menganjurkan kempen pendaftaran vaksin Covid-19 untuk memberi mesej kepada orang ramai tentang kepentingan vaksin ini. Turut berlangsung majlis pelancaran buku garis panduan Covid 19 yang mengandungi cara pengurusan Covid-19 di selangor oleh Ahli Parlimen Petaling Jaya, YB Pn. Maria Chin Abdullah.



PLOGGING ZON 22

SS 7, 11 APRIL 2021 - Acara plogging iaitu aktiviti berjalan sambil mengutip sampah yang telah disertai oleh 45 orang penduduk sekitar SS 7. Acara ini bertujuan untuk meningkat kesedaran penduduk menjaga kebersihan di samping meningkatkan kesihatan diri dengan melakukan senaman ringan.



SUMBANGAN BAKUL MAKANAN FASA 2 2021

KELANA JAYA, 11 APRIL 2021 - Ahli Majlis Zon 21, Pn. Rozazitah Ahmad telah menyampaikan sumbangan bakul makanan sempena menyambut bulan Ramadhan kepada keluarga B40, orang kurang upaya (OKU) dan ibu tunggal untuk meringankan beban penerima menghadapi bulan Ramadhan yang mencabar semasa negara dilanda pandemik Covid-19.



SUMBANGAN DANA SEMPENA HARI VASAKHI

SEKSYEN 52, 14 APRIL 2021 - Sempena sambutan Hari Vasakhi, Ahli Majlis Zon 13, En. Ng Yih Miin telah menyampaikan sumbangan kepada pengurus Gurdwara Sahib Petaling Jaya untuk menampung dana penganjuran aktiviti tempat ibadat tersebut. Hadir sama, Ahli Parlimen Petaling Jaya, YB Pn. Maria Chin Abdullah.



PROGRAM MARHABAN YA RAMADHAN

JALAN SELANGOR, 15 APRIL 2021 - Bertempat di perkarangan Sek. Keb. Jalan Selangor, Ahli Majlis Zon 15, Pn. Ermeemarianna Saadon dan Ahli Parlimen Petaling Jaya, YB Pn. Maria Chin Abdullah telah mengedarkan buah kurma kepada pelajar sekolah tersebut sempena bagi memeriahkan sambutan kedatangan bulan Ramadhan al-Mubarak.



LAWATAN BAZAR RAMADHAN TAMAN SRI MANJA

TAMAN SRI MANJA, 15 APRIL 2021 - Ahli Majlis Zon 17, Pn. Norah Mansor dan Ahli Parlimen Petaling Jaya, YB Pn. Maria Chin Binti Abdullah telah turun padang meninjau perjalanan bazar Ramadhan Taman Sri Manja untuk menyantuni peniaga dan pengunjung. Peluang ini turut diambil beliau dengan mengedarkan pelitup separuh muka kepada orang ramai.



PROGRAM MEMASAK BUBUR LAMBUK MPP ZON 18

TAMAN DATO' HARUN, 17 APRIL 2021 - Acara memasak bubur lambuk secara bergotong-royong melibatkan MPP Zon 18, persatuan penduduk dan sukarelawan di Zon 18 telah telah berlangsung dan bubur lambuk yang telah siap dimasak kemudian diedarkan kepada orang ramai oleh tetamu jemputan yang hadir.



IFTAR RAMADHAN BERSAMA ANGGOTA BOMBA

JALAN PENCHALA, 18 APRIL 2021 - Menghargai jasa dan pengorbanan petugas barisan hadapan khasnya anggota Bomba dan Penyelamat, Ahli Majlis Zon 15, Pn. Ermeemarianna Saadon telah menganjurkan program iftar Ramadhan bersama anggota bomba Balai Jalan Penchala, Petaling Jaya. Seramai 70 orang hadir memeriahkan program ini.



EDARAN BUAH KURMA DAN BUBUR LAMBUK

ARA DAMANSARA, 18 APRIL 2021 - Ahli Majlis Zon 4, En. Anwar Nekhan dan Ahli Parlimen Petaling Jaya, YB Pn. Maria Chin Abdullah telah mengedarkan buah kurma dan bubur lambuk kepada penduduk Pangsapuri Vista Subang, Pangsapuri Seri Meranti dan PPR Lembah Subang 2 sempena bulan Ramadhan 1442 Hijrah.

Perangi AEDES HABIS-HABISAN

Luangkan masa
10 minit setiap minggu
untuk mencari dan memusnahkan
tempat-tempat pembiakan
jentik-jentik aedes

BERGOTONG ROYONG DESTROY AEDES RAMADHAN 1442 HJRAH
Majlis Bandaraya Petaling Jaya

+603 7956 3544

Majlis Bandaraya Petaling Jaya

+603 7958 1494

www.mbpj.gov.my

pjcitycouncil

Majlis Bandaraya Petaling Jaya



Pameran KEPELBAGAIAN & RUPA **TEKO**

“Teh : BUDAYA & tradisi”



ANJURAN
MUZIUM PETALING JAYA MAJLIS BANDARAYA PETALING JAYA

**19 April 2021 hingga
19 Ogos 2021**

**Galeri C, Muzium Petaling Jaya
Taman Jaya, Petaling Jaya, Selangor.**